



Broj: T18 0 КТРО 0015130 22
Brčko, 26.10.2022. godine

OPTUŽNICU

Protiv:

CVIJETINA NIKOLIĆA rođen ... 1958. Godine [...]

Što je:

Dana 22.02.2021. godine, u Brčkom, postupajući kao član Upravnog odbora JZU „Zdravstveni centar Brčko“ i predsjedavajući na 61. redovnoj sjednici Upravnog odbora na kojoj su osim njega prisustvovali predsjednik Upravnog odbora S. N. i član I. Š., dok su članovi A. S-Đ i J. B. bili odsutni, znajući da saglasno članu 77. stav 2. Zakona o zdravstvenoj zaštiti u Brčko distriktu BiH, članu 27. stav 5. Statuta JZU „Zdravstveni centar Brčko“ i članu 13. stav 5. Poslovnika o radu Upravnog odbora JZU „Zdravstveni centar Brčko“, Upravni odbor donosi odluke većinom glasova od ukupnog broja članova Upravnog odbora, zanemario navedene odredbe, pa nakon što su razmotreni navodi žalbe D. H. protiv rješenja Disciplinske komisije JZU „Zdravstveni centar Brčko“ broj 05-DK-008/21-3 od 09.02.2021. godine i nakon što su članovi Upravnog odbora S.N.i I. Š. glasali da se žalba prihvati kao osnovana, a on bio protiv takve odluke, svjestan da donošenjem odluke bez većine glasova od ukupnog broja članova Upravnog odbora prava D. H. na pravičan disciplinski postupak mogu biti povrijeđena i da na ime izrečene novčane kazne u prvostepenom postupku može nastupiti imovinska šteta po njega u vidu odbijanja 25% plate u naredna tri mjeseca, samoinicijativno proglasio da žalba nije dobila potrebnu većinu, pa je službenicima Sektora za opšte i pravne poslove naložio da u ime Upravnog odbora izrade rješenje kojim se žalba D. H. odbija kao neosnovana, nakon čega je svojeručno potpisao rješenje Upravnog odbora broj 05-UO-004/21-4 od 22.02.2021. godine, kojim je žalba D. H. odbijena kao neosnovana, čime je teže povrijedio pravo D. H. na pravičan disciplinski postupak garantovano članom 6. Evropske konvencije o ljudskim pravima i osnovnim slobodama i usljed čega je D. H. pričinjena imovinska šteta jer mu je od plata za april, maj i jun 2021. godine odbijen iznos od ukupno 2.787,54 KM po osnovu novčane kazne izrečene rješenjem JZU „Zdravstveni centar Brčko“ broj 05-DK-008/21-3 od 09.02.2021. godine, koje je potvrđeno rješenjem Upravnog odbora JZU „Zdravstveni centar Brčko“ broj 05-UO-004/21-4 od 22.02.2021. godine,

dakle, kao odgovorno lice u Brčko distriktu BiH, povredom propisa očigledno nesavjesno postupio u obavljanju dužnosti, pa je zbog toga pravo drugoga teže povrijeđeno i nastupila je imovinska šteta koja prelazi 1.000,00 KM,

čime je učinio krivično djelo Nesavjestan rad u službi iz člana 381. stav 1. Krivičnog zakona Brčko distrikta BiH.

Preduzimanje radnji krivičnog gonjenja prema određenom licu ne znači da je to lice zaisto i odgovorno za počinjenje krivičnog djela. Prema principu presumpcije nevinosti, svako se smatra nevinim za krivično djelo dok se pravosnažnom presudom ne utvrdi njegova krivica.
